



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一七九

松鶴山房詩集九卷松鶴山房文集二十卷（缺卷三卷十二卷十四） 陳夢雷 撰

一

浪淘集詩鈔一卷 金人望 撰

五五五

序

古稱三立以立言為次之
次非謂易也蓋難之矣夫
言也者身之章也苟非德
與功並懋是欲其木之實
而披其根流之遠者而塞

序一

不知文者視其人吾非知
文者嘗觀其為人也其神
閑其志定休乎其容浩然
其氣抱忠孝之真寓和平
之意舉凡窮達得失好惡
是
一
不
足
以
累
其
心
空

空乎洞洞乎行所當行止
所當止其為文也亦若是
焉已矣殆所謂根深者木
茂源遠者流長與今者曳
履

朱門馳情丹壑即抱終焉之

序三

志難辭則駕之時德乎功
乎與言並永稱曰不朽其
在斯乎其在斯乎
壬辰中秋前三日

上清掌籙秀水楚師序

序

丙辰之歲余得晤省齋於
許氏之拜雲樓時方在萊
葭白露中結山榛隕苓之
想余每欲導之以返本歸
真而省齋意在有所建豎

序一

以報

知遇固匆々未能也嗣後入
都席藁行李蕭々旅店頽
垣江干潦漲以至銀鐻圜
土風雪邊城余每默左右
之而省齋不知唯與親友

談詩論文或從方外探元
論道時每津津余不置夫
桑門不三宿桑下余方外
也寧獨私憐之於省齋亦
何為者大抵天地間唯此
忠孝至性動天地而感鬼

序二

神省齋其有以感之矣詩
久在閩中作者多余所鑒
定其在留都及京邸之作
多失彙編之纂余亦常寓
目焉大抵字根於子臣
弟友血誠非獨揚鑢藝苑

樹幟駢壇而已人情貴遠
賤近後之君子讀其所著
述自有擊節嘆賞甚且有
扼腕思一傾倒之而不可
得者何俟予言

省

序三

康熙癸巳陽月之吉
九天府掌籙錢塘喬逸
人題

序

自古勞人志士遭時坎壈
其抑塞磊落之氣無所表
見往往發而為文太史公
稱虞卿非窮愁不能著書
而昌黎亦言柳子厚斥不

序一

久窮不極其文學詞章必
不能自力以致必傳於後
設以彼易此則孰得孰失
必有能辨之者同年陳省
齋先生間關塞外十有餘
年蒙

恩賜環

召入禁近侍

誠親王殿下輔導先後以文
章為職業先生於是研精
覃思撰集類書三千餘卷
牢籠三才囊括萬有此書

序二

成於以藏之名山傳之其
人洵不朽之盛業矣茲松
鶴堂集若干卷則先生平
居宴游寫懷述事與夫揚
推古今衡論人物之作俱
在其詳宏博奧衍疏暢

達而於君臣朋友之際三
致意焉憤激而不忍怨誹
而不傷其愛君忠國之思
惓々乎若有不能一日舍
然者蓋余循環久之不覺
慨然而歎也夫同一事親

序三

也徐庶之奔母君子不以
為不忠同一事君也趙苞
之破賊君子直謂之不孝
勢有緩急情有重輕未可
執一而論也當耿逆畔先
生之父母俱被幽繫與其

慷慨潔身不若委曲以報
國於是招說客結死士雖
其腹心潰其黨羽屢間道
遣使密陳方略阻於兵不
得達賊平論定豈曰無功
而乃吏議見侵謫書莫辨

序四

投荒萬里飲血十年久之
公論大白於中朝孤忠上
迴於

天聽玉門有生還之
詔梁苑邀特達之知畫接便蕃
寵錫優渥雖宣室之疇咨

平臺之轉對苦心調護裨
益弘多而先生則已息影
杜機不交人事惟日事鉛
槧以文章報知遇而已矣
古之君子或建功於當時
或立名於後世一也先生

序五

負間出之才鬱々無所試
自經憂患學益老識益深
洞視萬古立言垂範設使
先生都顯榮享高位或且
驅走權勢何暇以餘力從
事著述即或自附作者其

所著述亦必不能卓卓如
先生之所成也然則先生
之不遇何足患嗚呼此韓
公所以致慨於彼此得失
之間有以也余與先生交
窮久知家深既幸其志節

序六

之晚階大白而尤喜其文
之必傳於後世也世有桓
譚必以我為知言矣
婁江年弟王揆頓首拜撰

松鶴山房文集序

從來慷慨就義易委曲調停難委曲調停易始終善全難蓋潔躬行已遇難殉身以顯高節者徵特士君子能致命以遂其所志雖婦人女子感一時之憤發激烈之情者亦皆能之至于外險內順境逆心亨顛倒是非而不顧抑鬱情懷而不伸良工心苦則有難以語人者也雖然天下事亦有心爲之而爲之固未必能終其事者即終其事矣而未必究能成其功者果能心爲之而不計迹之顯晦名之全虧而竭智力之巧運萬全之奇始終籌畫務底於成是又不僅於委曲調停已也若此者吾獨於省齋先生見之焉先生負不世之才英年擢高第素履文章爲京師爭重癸丑秋八月告假奉親歸里明年三月遭耿逆之變父母兄弟舉家盡被幽繫在先生自處何難殺身成仁而先生識見高遠預知耿逆之必敗與其徒死無濟於事孰若委曲報

國
全父母兄弟以成功於是招說客結死士離其腹心潰其黨羽遣使間道密陳方略竟阻於兵未能直達是天所以困先生也及賊平論起吏議見侵謗書莫辨反致投荒萬里飲血十餘年天之困先生者蓋至

是而窮哉乃久之公論大白孤忠上

聞蒙

恩賜環

召入

禁庭侍

皇

三子殿下輔導先後以文章爲職業先生學博而精事簡而當善體人情曲盡物理覃詳研思撰集彙編三千餘卷剖裂三才囊括萬有自漢唐以來未曾有而復以忠孝節義之懷散而見之於篇什若松鶴山房詩文囑余爲序者余讀之知先生之心與行矯矯

宇宙間使執筆時惟知序先生詩文而不能悉其委曲始終之大概所謂讀其書不知其人可乎至於集中凡目之所睹耳之所聞足之所履意之所及或歌或泣或嘯或狂見之者未有不知其爲淵珠晚蘭終有不能湮沒者又何俟予之贅語也嗟夫英雄退步俯仰隨人磅礴英華憂憤所積先人而憂後世之懼傷心淚落何一非至性所鍾若夫遯世無悶樂天知命是又在先生之自處則余所不能測先生矣余何能爲斯集序哉長白弟能吉圖拜書

松鶴山房文集序

司馬子長游覽名山大川而後成一家之文文者心之聲也行乎所當行止乎其所不得不止非開拓其心志則氣不振然山川者天地之恒象也人生而不閱乎窮通憂樂榮辱死生之變則其識不堅凡欲養其氣廣其識要非治心不能省齋先生向脫西曹單車就道吾兩人判袂都門俱壯歲二十年後復聚首長安顧我貧病衰老幾不可復識而先生亦修髯玉立頗不似當日尪羸纖弱之狀握手凝睇既悲且慰坐我半圓齋中撫今感昔暇日出別後所爲古文

辭若干卷見示疏啓策論序記箴銘騷賦體例該備而行文如江河浩瀚一碧萬頃何氣之雄也根柢經史條貫百家上下四千餘年成毀利鈍如視諸掌每決一策皆可起而行何其識之堅也綜覈名理研窮品彙細之入無隙大之彌六合又何心之精也無他先生居山陬海澨六千里而至京師出關復數千里激昂窮邊絕塞其間名山大川較之子長所歷奚翅十倍弱冠卽以能文顯名南國通籍金門慨然以斯世自任未幾遭世多故舉家三十口坐困嚴城老親稱弱喘喘啼號而饑人虎視一歲瀕死者三四孱焉

瘡痍介乎兵刃之間而得當報稱之思百沮而不撓幸而事定則又心跡難明銜哀緩死其所閱歷貧賤以之通顯百死而得一生舉凡史冊所載遭遇之奇功罪之致無一不身親而備嘗之故能言之鑿鑿又何疑哉人情履順而席尊寵則不期驕而驕至及乎榮辱得喪則尤怨生焉驕且怨和平之音斯鮮矣先生境遇皆極人世萬不能堪者而其文一無哀厲衰耄之色倘亦所謂窮而益工者耶是蓋不然先生少而壯壯而老榮而辱窮而達而其心之所存內則痛衰白之在堂上則感

知

遇之莫報宛轉於死生呼吸鋒刃猜忌之餘隱忍於幽囚斧鉞屈身毀行之辱卒之荒徼孤蹤授徒講學空山卜築盡室勤耕時與黃冠野老量雨課晴所求惟出世外身長存久視之道今奉

召南
旋入侍

即

第不特量恩仇失得於度外卽身家之計亦不過盡倫樂天以期順時觀物一切榮悴毀譽曾無足以動其憧憧之往來者心體大定以養其氣而浩然廣其識而凝然發爲文章若川岳之流峙雲霞之卷舒文行而志明文止而意無盡讀者毋僅攬其問學之廣

淵才華之富贍實可以考鏡其行事想見其生平是有待於知人論世云

南蘭同學教弟楊文言拜撰

皇上

序
閩爲東南都會控引大洋襟喉崇嶺山川磅礴委積近古以來雖代不乏人實未足以盡扶輿鍾毓之靈煒自髫齡知省齋陳先生爲海內所推重至己丑仲夏始獲晉謁仰瞻丰範敬承誨導始知數千年山川鍾毓之靈今見其真矣先生於甲寅給假旋里陷於耿逆賊脅以父母親族追求附已托病閉門始終不屈日夜圖謀竭忠盡智糾合同心離間逆黨耿逆由此窮蹙投誠逆黨挾恨冤誣致謫留都及戊寅東巡召對竟日深明其冤載之還都命侍

誠

宸翰

親王出入宮闈御物累賜無已如松高枝葉茂鶴老羽毛新之聯尤

溫綸

爲炫人耳目每奉恩賜輒喜而不寐蓋先生素以天下爲己任喜其道

之得行也至今雖未立於廟朝而屢有幹旋乾坤之力所學浩浩無涯往古之書皆已讀之矣凡有關於道統治化象緯典制者悉考訂爲彙編爲卷三千六百有奇至此集十二冊則皆平昔盱衡今古與夫往返唱酬之作其中籌策陳謨盡發於天時人事之先立言建議一振以大呂黃鍾之節匡濟之具亦時見

一班焉嗟乎先生之心天地不熄之心也先生之言聖賢不易之言也煒也何幸獨得捧讀不敢妄爲之叙謹識斯言以誌不忘

昔

康熙己丑秋仲奉天同學弟李煒拜撰

序

余讀省齋先生騷賦詩篇古文詞諸作不禁悲慨交集憤懣煩結當食而不下也夫古今之作者衆矣事物外至之華容或得施其矯飾至於性情之際則有斷然不能以僞爲者蓋人之言本諸心出於氣著於詞心正則氣足氣足則詞暢是故聖賢之言經而則儒者之言醇而藹豪傑之言壯而激其麗而典博而肆者文人之言也而圓而辯而譎而刻而戾而訐似直而實枉似通而實窒者策士奸人之言也察乎其心視乎其氣徵乎其言而其人之生平瞭然矣今觀

先生詩文語語性情根心忠孝纏綿愷摯篤於君親慷慨激烈之氣可以貫金石動鬼神而迺心跡莫白橫被惡名竄處窮荒履冰旦暮風木有懷痛隔萬里舉人世不幸之事而皆萃於一身此余所爲悲慨憤懣深疑彼蒼之難問也聞嘗細究先生得罪始末事由同列某某方賊勢張時某某以欲仗策軍門籌於先生先生阿止之造膝三日密謀反正先生以爲耿逆背

國

違天雖強易弱且其羽翼不過數人吾今在內當令自相疑貳解散黨援爾家去賊遠蠟表易達請師

天朝

問道直入破賊不難丈夫即死死國耳蓋是時賊有謀士某先生已深結納爲用逆宗解體海師爭地皆有可間之隙故先生云云某某尚恐不勝禍巨測先生誓以一家殉之約始定某某歸而猶豫既見先生計行賊勢日削促膝之言無一不售遂懷媚嫉之心又以仗策前事爲嫌間關通表不列先生姓名密謀請師之舉壅於

上

聞未幾閩境底定某某以通表之故不次進階先生則以

詔

獄逮矣某某懼先生之終泄其事甘言疏護而諾背

違下石飛矢罔遺餘力至謂先生不能死賊爲憾嗟乎人臣處國家畔亂之秋獨秉孤忠見危致命爲一己名節計至便也若才足有爲徐圖進取隱忍依人權以濟事壯繆見禮於奸操朱序卽命於符堅嗣後三分佐蜀一呼敗秦載美史間身名俱全君子尤有取焉且當耿逆始亂之日縉紳士族風偃茅靡援圖識謀推戴者比比皆是先生以一文弱書生抗言不拜引疾辭職斯其堅立固已卓矣况又陽託杜門陰用反間離其腹心挑釁強援卒之鄰敵外攻逆黨內潰

王

師得乘鷸蚌之勢長驅入關賊徒窮促而縛自歸幽穢既滌日月復光先生三年報

國

之心謂可釋然而無餘憾矣功高不賞大罰隨之冤繫窮年卒就嚴譴在昔吳曦之變楊巨源糾合死士潛圖舉義不旋踵而誅曦其功雖爲安丙所抑身死其手然自源之後壯夫激立艸野拾挽投匭上書公論以定賜廟贈諡慕義無窮先生被繫日久事益著舉朝咸知其冤無有一訟言於

廷

者以至

天

聽未回臣衷尚隱鬱鬱壯懷沉淪關塞豈非幸則爲

巨源不幸則爲先生幾何不令人悲憤懣懣當食不下故余嘗謂先生策甚秘功甚奇心甚苦而受禍則甚酷猶幸詩文寄託得以備徵忠孝之情又復斬不示人引咎自責無幾微怨懟見於顏面然後知先生志氣清明學問深造近且閉戶著書銳意聖賢之業無論文人儒者之名非所樂受卽就先生行事目以豪傑亦淺之乎知先生矣先生擬騷之作逼似靈均賦與古風頡頏魏晉近體宗初唐擺脫凡俗長篇排律規模少陵古文縝整浸淫班范二公間世固有能辨之者余不具論特著其表表大節以附篇後云

皆

康熙丙寅歲仲冬同里後學黃鸞來謹序

序

世界文字不從人倫上着眼皆第二乘 省齋先生
曠世奇才遭時不幸有

君而忠不得達有親而喪不得奔戀

君墓親滿腔熱血皆於詩文發之吁 先生今日幸矣

君知先生矣

誠郡王賜詩有詩感帝王心事白之句豈獨先生感激

皇恩鄉之人老幼歡呼以為覆盆孤臣得見天日先生戀

君之心庶幾無負也鄉之人更翹首

天家故先生假歸稽首二老墳前再歸

關廷鞠躬盡瘁先生慕親之心應再快乎吁此鄉人不知

國體之言先生尊人知大義生前惟以先生不得見

君為憾九泉中得

賜環之信自當瞑目先生即未得稽首墳前亦可無憾也

余更有進焉先生全集悲歌慷慨直上追古人然皆

不得志之作今日處安履順効力

內廷當必有如七月之獻一德之陳以上報

國家庶於人倫中作和平文字更為上乘也野老不知

文區區私願果有當焉否也

康熙庚辰三月同學弟林徽拜題

璚以樗櫟孤根浪跡海外讀

先生之文耳 先生之遇感嘆之懷形諸寤寐思一
謁見末由也辛卯孟夏乃得謁 先生于松鶴山房
齋聯

王宮離暢春苑五里許榆柳千株清流激湍映帶左右
珍樓傑閣縹緲萬疊蓋

誠親王結構以居 先生者也 先生弱冠而掇巍科
蹊步而登中秘才名風度已蓋一時續以奉親歸里
履蹈危機卒能爲

國竭誠

君親不負雖遭困阨而

聖主

特達之知千秋無兩四科則仰止其三五倫而獨優
其四乃知天厄 先生之遇正所以成 先生之學

也故能使胃藏萬卷筆絕纖塵其爲文如水立山飛

如天高海闊如珠聯璧合如雪舞雲翔庾子山之哀

詞愴神駭矚江文通之別緒蕩魄銷魂者矣若夫琢

詞鍊字則體合於自然適意還思則破啼以爲笑託

隱諷于微言不失溫厚和平之旨終揚風而屹雅莫

非忠

君愛

國之心真屈宋之精華非僅班揚之瞻麗也雅頌風騷

之後惟見此集真足以徽黼

皇猷羽翼聖經大哉言乎璚安能測其涯際哉

溫陵後學諸葛璚拜讀於金臺旅次

松鶴山房詩集卷之一目錄

四言古

題寧海將軍底定全閩圖

五言古

乙卯擬古十九首 有序

西郊雜咏二十首

寄答李厚庵百韻

戊午春入都請罪施介平又韓追送江干詩以

謝之

松鶴山房詩集卷之二

華嚴嶺

鄭肇修先生移居適以筵頭命書因賦短章寫

其高致

贈燕臺張翁 有引

黃叔威以古詩八首見贈擬古妾薄命以答之

治蔬卽事

送孫嘯夫和甯別原韻

題畫

爲顧宗伯題畫三首

有所聞

贈李銘原

辛卯春抱病銘原親治羹以餉余令兒子往拜

謝此後不敢當因賦此示之

半圃八玩詩

四望車

續繩轡

刪煩揚

不動几

松鶴山房詩集卷之三

讓傾冠

蟹目韞

九戩被

支足盆